

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Sisimiuni utoqqaat angerlarsimaffiat Qupanuk-mmut kissarsuummik iganermullu kissarsuummik pisinissamut qinnuteqaat.

Imm. 03 Niviarsiami ikiuutaasivimmut ikiuutinik piniarneq. Sisimiut.

Suliassat nalginaasut

Imm. 04 Qeqqata Kommuniani 2019-imi decembarip 31-ata tungaanut ingerlaavartumik kukkunersiuineq pillugu BDO-mit ilaannakortumik nalunaarusiamik nr. 33-mik akuersissuteqarneq.

Imm. 05 Angerlarsimaffeqanngitsunut unnuiffisanut periarfissat pillugit oqaluuserisassatut siunnersuut, Sisimiut

Imm. 06 Angerlarsimaffeqanngitsut inigigallagassaannik pilersitsinissamut siunnersuut, Sisimiut

Imm. 07 Atugarissaarnermut immikkoortortami sulisut atugarisaannik pitsangorsaanissamik kissaatimik, kommunalbestyrelsimi ilaasortaq Sofie Dorthe R. Olsen-imit siunnersuut

Imm. 08 Innuttaasunut innarluutilinnut angajoqqaat siunnersuisooqatigiinnik pilersitsinissamut siunnersuut

Imm. 09 Qeqqata Kommuniani Utoqqaat Siunnersuisooqatigiit maleruaqqusaannut oqaasertaasa allangguutissatut siunnersuut.

Paasissutissiissutit

Imm. 10 Naalakkersuisut ilaqtariinnut politikki pillugu tusarniaassutip paasissutissiissutiginer

Imm. 11 Siusinaartumik pensionisiat pillugit Inatsisartut inatsisaata allanngortinneqarneranik Inatsisartut inatsisaat nr. 28, 28. november 2019-meersoq toqqammavigalugu, aningaasaqarnikkut Kommunimut kingunerisinnaasaanik assersuusiorluni naatsorsuineq.

Imm. 12 Paasissutissiissut match gruppe 3-mi inissimasunik inuttut inerikkiartornermik taaneqartumik ingerlaartumik assiginngitsutigut pikkorissaanissaq pillugu. Maniitsoq

Imm. 13 Tamalaat

**Atugarissaarnermut Ataatsimiititaliap marts-ip 11-ani 2020-imi ileqquusumik ataatsimiinnera
03/2020 - *Imaqarniliaq***

Ataatsimiinneq aallartippoq nal. 10:06

Peqataasut:

Atassut

Anna Karen Hoffmann, Kangerlussuaq

Siumut

Hans Frederik Olsen, Siulittaasoq, Sisimiut
Erik Jensen, Sisimiut

Inuit Ataqatigiit

Juliane Enoksen, Siulittaasup tullia Sisimiut
Sofie Dorthe R. Olsen, Sisimiut, anillatsiarpoq nal. 11:54-miit nal. 12:03-mut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

Sofie-Dorthe R. Olsen-ip oqaluuserisassani Imm. 07 oqaluuserisassangortitarigamiuk oqaluuserisassaq saqqumiutereeruniuk ataatsimiinnermiit anillakkallassaaq.

Atugarissaarnermut immikkoortortaqarfik Maniitsoq utoqqaat angalanissaat pillugu apeqqutissaqarput.

Aningaasaqarnermut tunngasut

Imm. 02 Sisimiuni utoqqaat angerlarsimaffiat Qupanuk-mmut kissarsuummik iganermullu kissarsuummik pisinissamut qinnuteqaat.

Journalnr. 44.05

Tunuliaqtaq

Utoqqaat angerlarsimaffiat Qupanuk kissarsuummik iganermullu kissarsuummik nutaanik 140.498,00 koruuninik nalilinnik pisinissamut qinnuteqarpoq, maannakkut pigisat nutaanngilillutillu kingoraartissaannik pissarsisoqarsinnaanngimmat.

Maleruagassatigut tunngavigisaq

Eqqaasassaqanngilaq.

Pissutsit atuuttut

Utoqqaat angerlarsimaffiat Qupanuk kissarsuummik iganermullu kissarsuummik nutaanik, assartornera ilanngullugu, 140.498,00 koruuninik nalilinnik pisinissamut, Atugarissaarnermut immikkoortortamut kissaammik nassiussaqarpoq.

Utoqqaat angerlarsimaffiani maannakkut iganermut kissarsuut kissarsuullu arlaleriarlutik iluarsanneqareersimalerput. Iganermut kissarsuummi kogepladeni arfiniliusuni maannakkut marluinnaat atorsinnaapput. Iganermut kissarsuut kissarsuullu ima nutanngilisimatigippit, kingoraartissaannik pissarsisoqarsinnaajunnaarluni. Kissarsuutip iganermullu kissarsuutip atorsinnaajunnaassagaluarpata, utoqqaat angerlarsimaffia ajornartorsiungaatsialissaq. Tamatuma saniatigut kogepladit marluinnaat atorsinnaatillugit, iganermut kissarsuutip atorneqarnissaa naapertuitinngilaq, ullullu tamaasa najugaqartunut iggassisoqartarluni. Utoqqaat angerlarsimaffia induktionskomfurimik marlunnik neqeroortitsivoq, neqeroorummilu aappaani Arctic Import-imeersumi annertuumik innaallagissamut sipaaruteqarneranik paasissutissiivoq.

Neqeroorutip aappaan NDO-meersuuvoq, taassumalu "Zanussi", italiami sanaajusoq siunnersuutigaa, Arctic Import-imiillu "Jøni og Rational", qallunaat igaffissuini atorneqarnerpaajusoq innersuussutigalugu.

Atuilluartuunissakkut kingunerisinnaasai

Kissarsuummik iganermullu kissarsuummik nutaanik pisisoqarpat, iggavimmi sulisunit isiginninneq naapertorlugu, pitsaanerpaamik isumannaannerpaamillu nerisassiorqarnissaat qulakkeerneqassaaq.

Pitsaanerpaamik iggavissaqarnermi pitsaasunik peqqinnartunillu nerisassiorqarnissaq ukkatarineqassaaq.

Aningaasaqarnikkut allaffissornikkullu kingunerisinaasai

Arctic Import-imiiit neqeroorut 1:

Rational CM 201 Plus kombiovn	109.999
Jøni CtIM 4 kogebord, induktion sisamanik pladelik	30.499
Katillugit	140.498

**Atugarissaarnermut Ataatsimiititaliap marts-ip 11-ani 2020-imi ileqquusumik ataatsimiinnera
03/2020 - Imaqarniliaq**

NDO -imit neqeroorut 2

Zanussi kombiovn	94.760
Zanussi induktion sisamanik pladelik	63.000
Katilligit	157.760

Atuiffik	Atuiffiup taaguutaa/ Siunertaq	Missingersuut	Atuineq	Sinneri	Atuineq
		(1.000)	(1.000)	(1.000)	%-inngorlugit
551030202	0503015300	10			

Allaffeqarfiup naliliinera

Atugarissaarnermut immikkoortortaq naliliivoq, kissarsuummik iganermullu kissarsuummik nutaamik pisisoqarnissaa naapertuttoq, taamaaliornikkummi utoqqaat angerlarsimaffiani najugaqartunut nerisassiorinssamut atugassaritaasut pitsaasuunissaat qulakkeerneqassaaq.

Atugarissaarnermut immikkoortortamit utoqqaat angerlarsimaffiata neqeroorut 1-imit kissarsuummik iganermullu kissarsuummik toqqaasoqarnissaanik tapersersuivoq.

Pisineq 140.498,00 koruuninik naleqarmat, ilassutitut aningaasaliissuteqarnissamut qinnuteqarnissamik pisariaqartitsisoqalissanersoq paasiniarlugu, ukiup ingerlanerani kingusinnerusukkut naliliisoqarnissamut, utoqqaat angerlarsimaffiani atuiffinnit atuinerit nakkutigineqassapput.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutiga

- neqeroorut 1-imit kissarsuummik iganermullu kissarsuummik katillugit 140.498,00 koruuninik naleqartunik pisinissaq akuersissutigineqassasoq

Aalajangiineq

Akuersissutigineqarpoq.

Ilanngussat

1. Arctic Import-imit NDO-miillu neqeroorutit

Imm. 03 Niviarsiami ikuutaasivimmut ikuutinik piniarneq. Sisimiut.

Journalnr. 47.13

Tunuliaquataq

Niviarsiami ikuutaasiviup torersarneranut atatillugu, inunnut innarluutilinnut atortorisaarutinut nalinginnaasunik tunniunneqartartunik amigaateqartoqartoq paasineqarpoq.

Atortorissaarutinut kingoraartissanullu tunngatillugu, Kalaallit Nunaannut nassiuussiniartarnerup sivisusarnera eqqarsaatigalugu, inuit innarluutillit maannakkut atortorissaarutinik pisariaqartitsilissagaluarpata, piffissami sivisuumi utaqqisariaqassapput.

Atortorissaarutit nalinginnaasut, soorlu rollatorit, tigummiviit/najummiffiit, ajaappissat il.il.

atortorissaarutaapput inunnut innarluutillimmut immikkut uuttorlugit

naleqqussarneqartariaqanngitsut, atortorissaarutillu nalinginnaasut taakku

pequmaasivimmiiittuaannarnissaat kissaatigineqarpoq.

Paasineqarportaaq, tikeraanut innarluutilinnut atortorissaarutaasinnaasunik tigoriaannaqanngitsoq.

Maleruagassatigut tunngavigisaq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 8.

§ 8. Inuit innarluutillit pisariaqartitaminnut tapersorsorneqarnermik pisarnissaat, aamma Inatsisartut inatsisaat manna malillugu inunnut innarluutilinnut tapersiinissamut periarfissanik pisariaqartunik peqarnissaa, kommunalbestyrelsip isumagissavaa.

Inuit innarluutillit tapersorsorneqarnissaannut Namminersorlutik Oqartussat nalunaarutaani §§ 6, 8

§ 6. Inummut innarluutillimmut atortorissaarutit pissarsiariniarnerannut kommunalbestyrelse tapersiissaaq, atortorissaarutit imaappata:

1) Inuup innarluutaasa kingunerisaanut annertuumik ikorsiisinhaappat,

2) Inuup ulluinnarni atugaannut annertuumik oqilisaataasinhaappat

Imm. 2. Inuit innarluuteqanngitsut namminneq inuttut atugassaminnik pissarsiniarnermi ulluinnarnilu inuuniarnermut nalinginnaasumik aningaasartuutaannut annertuumik qaangiisoqassatillugu, atortorissaarutinik pissarsinissamut taamaallaat tapersiisoqarsinnaavoq.

Imm. 3. Atortorissaarutit attartugassanngorlugit tunniunneqarsinnaapput.

§ 8. § 6 malillugu atortorissaarutit tapiissuteqarfigineqartut, atortorissaarutit atorsinnaanerannut iluarsaassineq allanngutsaaliuinerlu pisariaqartinneqarpata, iluarsaannerannut allanngutsaaliornerannullu aningaasartuutit kommunalbestyrelsip akilertassavai.

Imm. 2. Suliat imm. 1-imi pineqartut suliarineqartillugit, atortorissaarutit taarserneqarnissaat aningasaqaqnikkut naleqqunnerunnginnersoq kommunalbestyrelsip nalilersussavaa.

Pissutsit atuuttut

Inuit innarluutillit sapinngisamik nalinginnaasumik inuuneqarnissaminnut atortorissaarutinik annertuumik pisariaqartitsipput.

Suliani piumasaqaatit naammassiniarlugit, atortorissaarutit nalinginnaasut tigoriaannaasariaqarput. Peqqumaasivimmi atortorissaarutinik nalinginnaasunik peqarnikkut aammalu pisariaqartitsisoqarnerani tunniuteriaannaaneratigut, inunnik innarluutilinnik ataasiakkaanik utaqqisitsinissamik annikilliliisoqarlunilu inuunerup pitsaassusaa qulakkeerneqassaaq.

Atortorissaarutit nalinginnaasut inunnut pisariaqartinneqartunut erngertumik tunniunneqarsinnaanissaat kissaatigineqarmat, atortorissaarutinik pisinissamut akuersissuteqartoqarnissaq qinnuteqaatigineqarpoq.

Inunnut innarluutilinnut atortorissaarutinik tunniussisoqarpat, tunniussineq nalunaarsorniarlugu inuup normuinut allattorneqartassapput.

**Atugarissaarnermut Ataatsimiititaliap marts-ip 11-ani 2020-imi ileqquusumik ataatsimiinnera
03/2020 - Imaqarniliaq**

Ukiut tamaasa innarluutilinnik tikeraanik kommunimut tikittoqartarpoq, kommunimiinnerminnilu atortorissaarutinik attartornissamik pisariaqartitsisarlutik. Atortorissaarutit taakku Niviarsiami peqqumaasivimmit tigoriaannaasariaqarput. Tikeraanut atortorissaarutinik atukkiisoqassatillugu, attartornermut nammineq akisussaanermut attartornermut immersugassamik atsiortoqartassaaq. Atortorissaarutit attartortinneqartut tikeraamit aserorneqassagaluarpata, tikeraap kommunianut akiligassiisoqassaaq.

Atuilluartuunissakkut kingunerisinaasai

Atortorissaarutinik ataasiakkaaraluni piniartoqartillugu, nassiussinerit arlaliutillugit avatangiisimik artukkiinerunissaq navianaataasinnaavoq kiisalu nassiussuinerit kommunimut akisunerulersinnaallutik.

Ukiunut arlalinngut tulliuttunut innarluutilinnut tikeraanut atortorissaarutinut ataasiartumik akiliuteqarnerussaaq.

Kommuninut allanut maligassiuilluni innarluutilinnut tikeraanut atortorissaarutinik attartortitsisarneq, Qeqqata Kommunianut pitsaasuussaaq.

Aningaasaqarnikkut allaffissornikkullu kingunerisinaasai

Innarluutilinnut tunngasunut atuiffik

Ikiuinermut atortut toqqorsivik:	Kr.
	81.988
Ikiuinermut atortut tikeraanut	
Neqeroorut nr.44673	96.340
Katillugu	178.328

Allaffeqarfíup naliliinera

Inuit innarluutililit sapinngisamik nalinginnaasumik inuuneqarnissaminnut atortorissaarutinik annertuumik pisariaqartitsipput.

Siliani piumasaqaatit naammassiniarlugit, atortorissaarutit nalinginnaasut tigoriaannaasariaqarput. Peqqumaasivimmi atortorissaarutinik nalinginnaasunik peqarnikkut aammalupisariaqartitsisoqarnerani tunniuteriaannaatinneratigut, innarluutilinnik ataasiakkaanik utaqqisitsinissamik annikilliliisoqarlunilu inuunerup pitsaassusaa qulakkeerneqassaaq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa

- atortorissaarutaasivimmut atortorissaarutinik 178.328,00 koruuninik nalilinnik pisinissaq akuersissutigineqassasoq

Aalajangiineq

Akuersissutigineqarpoq.

Ilanngussat

1. NDO Suplly A/S-imit neqeroorut 44673 aammalup neqeroorut 44659

Suliassat naloginnaasut

Imm. 04 Qeqqata Kommuniani 2019-imi decembarip 31-ata tungaanut ingerlaavartumik kukkunersiuineq pillugu BDO-mit ilaannakortumik nalunaarusiamik nr. 33-mik akuersissuteqarneq.

Journalnr. 06.04.01

Tunuliaquataq

Kommunitukukkunersiuuisu uku nassiunnikuuat:

- Ilaannakortumik nalunaarusiat nr. 33 2019-imi decembarip 31-ata tungaanut ingerlaavartumik kukkunersiuineq.

Ataatsimiititaliat susassaqarfimmi iluanni Kukkunersiuisut oqaaseqaataannut ataatsimiititaliat akissuteqaasiussasut, 2020-mi januaarip 31-ani aningasaqarnermut ingerlatsiviup mailikkut allagaqarluni qinnuigivai.

Maleruagassatigut tunngavigisaq

Aqutsinermut inatsimmi § 48 imm. 5 naapertorlugu, kukkunersiuisut oqaaseqaataat kommunalbestyrelsimit akineqartussaatitaapput, aalajangiisoqareerpallu akissuteqaatit Nakkutilliisoqarfimmuit nassiuinneqassallutik.

Pissutsit atuuttut

Kukkunersiuisut oqaaseqaatiminni Atugarissaanermut ataatsimiititaliap akisussaaffeqarfiata iluani tullinnguuttunik uparuaateqarpoq:

2.2.1 Immikkoortut Namminersorlutik Oqartussanit utertiffiusartut, taassuma ataani:

- Suliffeqarfiup iluani nakkutilliinerit
- Siusinaartumik pensionisiallit

Illup iluani nakkutilliinermut tunngatillugu BDO nalunaarutigaa:

Siusinaartumik pensionisiat:

Sulanik amerlasuunik misissuinerup takutippaa, suliad affai sinnerlugit kukkuneqarlutillu amigaateqartut. Kukkunerit taakkua pissutsinik makkunannga peqquuteqartarput:

- Siusinaartumik pensioninik naatsorsuinermi Saniatigut isertitat eqqortumik naatsorsorneqarsimannngillat.
- Sulisinnaassutsimik misissuineq suliarineqarsimannngilaq

Atugarissaarnermut Immikkoortortaqarfiup naliliinerata kingorna kukkunerup annertussusia takuneqarsinnaavoq, tassa ilaatigut saniatigut isertitat aallaavigalugit, siusinaartumik pensionit eqqortumik nalunaarsornissaannut tunngasut pillugit aqutsisunit tamakkiisumik nakkutilliinissamik pilersitsinissaq pisariaqartinneqarpoq.

Tamatuma kingunerisaanik Qeqqata Kommunia Atugarissaarnermut immikkoortortaqarfimmi ingerlatseriaatsinik skemanillu suliaqarpoq, taakkulu aamma illup iluani aqutsinermi nakkutilliinermut ilanngunneqarlutik.

Atuilluartuunissakkut kingunerisinnaasai

Kukkunersiusunit uparuarneqartut pitsanngorsaavigineqarneratigut atuilluartumik ineriartornerussaaq, siunissami kukkunersiuiasunit oqaaseqaatit annikinnerulerteratigut.

Aningaasaqarnikkut allaffissornikkullu kingunerisinaasai

Atugarissaarnermut ataatsimiititaliap akisussaaffeqarfia iluani Kukkunersiusut uparuataat kommunimut toqqaannartumik aningaasaqarnikkut kinguneqassanngilaq.

Allaffeqarfíup naliliinera

Illup iluani aqtsinermut nakkutilliinermut oqaaseqaammut tunngatillugu, 2019-mi pitsaassutsimik nakkutilliinermut systemi pissarsiariniartariaqarsimanera ilumoorpoq.

Nakkutilliinermut systemi pissarsiarineqarnikuusoq Atugarissaarnermut Immikkoortortami aqtsisunit atuutsilersinnejarnikuovoq.

Allaffisornermi immikkoortortani aqtsisunut tamanit qaammatit sisamakkaarlugit

Atugarissaarnermut immikkoortortami aqtsisut nakkutilliisarnissaat naatsorsuutigineqarpoq, ilaqtariinnermut pisortanit nakkutilliinermik malitseqartumik.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa

- 2019-imut naatsorsuuseriffiusumut nalunaarusiap ilaa – BDO-mit Nalunaarut nr. 33 tusaatissatut tiguneqassasoq
- Illup iluani nakkutilliineq pillugu Atugarissaarnermut Immikkoortortamit oqaaseqaatit akuersissutigineqassasut
- siusinaartumik pensionit pillugit Atugarissaarnermut Immikkoortortamit oqaaseqaatit akuersissutigineqassasut
- Suliaq Aningaasaqarnermut Ataatsimiititaliamut Kommunalbestyrelsimeullu akuersissutissanngorlugu saqqummiunneqassasoq

Alajangiineq

Akuersissutigineqarpoq.

Ilanngussat

1. 2019-imut naatsorsuuseriffiusumut nalunaarusiap ilaa – Nalunaarut nr. 33

**Imm. 05 Angerlarsimaffeqanngitsunut unnuiffissanut periarfissat pillugit
oqaluuserisassatut siunnersuut, Sisimiut**

Journalnr. 44.18

Tunuliaqtaq

Angerlarsimaffeqanngitsunut unnuiffissanut periarfissat pillugit eqqartuinissamut oqaluuserisassatut siunnersummik 2020-mi januarip 28-ani kommunalbestyrelsimi ilaasortaq Juliane Enoksen nassiuissaqarpoq.

Maleruagassatigut tunngavigisaq

Eqqaasassaqanngilaq.

Pissutsit atuuttut

Angerlarsimaffeqanngitsunut unnuiffissanut periarfissat pillugit Atugarissaarnermut ataatsimiititaliamut oqaluuserisassatut siunnersummik 2020-mi januaari 28-ani maili atorlugu kommunalbestyrelsimi ilaasortaq Juliane Enoksen nassiuissaqarpoq.

Juliane-mit mailimi oqaasertaliussaq uani ikkunneqapoq.

Kommunalbestyrelsimi ilaasortap Juliane Enoksen siunnersummini apeqquteqaatigivaa meeraaqqueriviusimasoq Nuka kommunimit pigineqarnersoq. Kommunimit pigineqarsimappat, ima ilusilersorneqarsinnaanersoq, taamaallutik angerlarsimaffeqanngitsut unnuisinnaanngorlutik? Atugarissaarnermut immikkoortortap Teknikkeqarnermut Avatangiisinullu immikkoortortaqarfik attaveqarfiginikuua, taakanngaanniillu tullinnguuttumik akissuteqarfigineqarluni, init taakku kommunip attartortittarai, aammalu attartortitsinermut isertitaqanngitsoq.

Tamanna Sunngiffimmi pisortamit aaqqiissunneqartumik init madrassinut sinifinnullu quleriinnut inissiivittut atorneqarnerannut tunngaveqarpoq. Init angerlarsimaffeqanngitsunut atorneqassappata, madrassit siniffiillu quleriit taakku allamut inissinneqassapput.

Juliane Enoksen isumaqarpoq, angerlarsimaffeqanngitsut biilikuni sinittarsimappata arlaatigut ajertoqartoq, aammalu issinnera pissutigalugu ajutoortoqartinnagu kommunalbestyrelsi qanoq iliuuseqartariaqartoq, unnuisunullu aaqqissuussisinnaasunik sulisoqassasoq.

Angerlarsimaffeqanngitsut biilikuni unnuisarnerat pillugu Atugarissaarnermut immikkoortortaq ilisimasaqanngilaq.

Atugarissaarnermut immikkoortortap paasissutissiissutigisinnavaa, angerlarsimaffeqanngitsut ilaanneeriarlutik inissamik nassaarnissamut ikiorneqarnissaq pillugu apeqquteqaateqartartut. Nalinginnaasumik angerlarsimaffeerunneq innuttaasut isumaginninnikkut inissiamik tunineqarnissamut pisinnaatitaaffiliinngilaq.

Isumaginninnikkut inissiamik pissarsissagaanni malittarisassani piumasaqaatit naammassineqarsimassapput.

Taassuma saniatigut Atugarissaarnermut immikkoortortap paasissutissiissutigisinnavaa, 2020-mi martsip aallartinnerani ineqanngitsunut inissiamik mikisumik neqeertoqarnikuusoq, kisianni neqeroorummut tassunga qujaannartoqarnikuusoq.

Innuttaasumut siusinaartumik pensionisialimmut attartugassaq Atugarissaarnermut immikkoortortap tunniunikuuvaa, innuttaasorlu nammineerluni inigisamut akiliisarluni. Innuttaasoq taanna toqukkut qimaguppoq, attartugassarlu atorneerulluni.

Inissaaleqisunik allanik aperisassaqanngimmat, ininut tunngatillugu Atugarissaarnermut immikkortortami ikiorneqarnissamik ujartuisunik allanik peqanngimmat, attartugassaq atorunnaarsinneqarnikuuvvoq.

Ilaqtariinnermut immikkortortaq sanasutut suliffeqarfimmit allaffimmik atorunnaakkaminnik illuuteqartumit attaveqarfingineqarnikuuvvoq, taannalu Atugarissaarnermut immikkortortamut attartortinnissaanut soqutiginnillutik.

Ataatsimiititaliap siulittaasua peqatigalugu Atugarissaarnermut immikkortortap illu alakkaternikuuua. Illu mikisumik initaqarpoq, inimit appasinnerusumik igaffeeraqarluni, perusuersartarfearluni kissarsuuteqarfearlunilu, tassani issikkunnaarpat imermik aqquqtiisiusinnaanngorpat uffarfimmik pilersitsisoqarsinnaalluni.

Piffissami matumani uffarfeganngimmat, sumiiffik taanna angerlarsimaffeqanngitsunut unnuiffissatut aallartisarneqarnissaa ajornakusoorsinnaavoq.

Angerlarsimaffeqanngitsut taakunga nuussagunik, pissutsit amerlasuut eqqarsaatigineqartussaapput, ilaatigut nakkutilliineq, eqquiaaneq, illumi malittarisassat, ullluinnarnilu ingerlatsinermut tunngasut.

Oqaluuserisassatut siunnersuutip uuma saniatigut, kommunalbestyrelsimi ilaasortaq Julianne Enoksen Kommunalbestyrelsimi aamma oqaluuserisassatut siunnersummik nassiussinikuuvvoq, tassani sulisunik suliersitsisoqassappat sulisoqarnermut aningaasartuutit pillugit apeqquteqaateqarluni aammalu taanna Kommunalbestyrelsip ataatsimiinnissaani tulliani qaqinnejqassaaq. Suliamik saqqummiussassaq taanna kommunimi Allatseqarfimmit suliarineqassaaq.

Atuilluartuunissakkut kingunerisinnaasai

Angerlarsimaffeqanngitsut ingammik ukiuunerani sumiiffimmi unnuiffiusinnaasumut periarfissaqarsinnaanerat atuilluartuunerussaaq, silami sininnissaq navianarlunilu peqqinnanngimmat. Aammattaaq innnuttaasunut silami sinittunut ajoqusernissaq annikillisinneqassaaq pinaveersaartinneqarlunilu.

Allaffeqarfiup naliliinera

Atugarissaarnermut immikkortortap kissaatigivaa, sammisaq Atugarissaarnermut ataatsimiititaliap eqqartussagaa aammalu angerlarsimaffeqanngitsunut angerlarsimaffimmut suliarineqartariaqartumut pilersinneqartariaqartumulluunniit iluseq qanoq ittuusinnaanersoq eqqartorlugu, siunissamilu ataatsimiinnissanut siunnersuutinik amerlanerusunik allaffeqarfik piniartillugu.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa

- Kommunalbestyrelsimi ilaasortap Juliane Enoksen siunnersuuttaa eqqartorneqassasoq
- Innersuussut Kommunalbestyrelsimit ingerlateqqinneqassasoq

Aalajangiineq

Atugarissaarnermut ataatsimiititaliaq Kommunalbestyrelse-mut imak innersuussuteqarpoq:

- Peqqissaavimmiit peqqissarneqareerlutik angerlarfissaqanngitsut inimik uffarfittalimmik inissiffigallarsinnaasaannik piaartumik nassaartoqarnissaa atuutilertitsisoqarnissaalu kissaatigineqarpoq.
- Angerlarsimaffeqanngitsut allat unnuiffigisinggaasaannik suliniaqtigiinnik piaartumik pilersitsisoqassaaq suliniaqtigiillu suliap sinaakkutissai, suliassartai, aningaasaartuutissartai il.il. suliariissavai.

Ilanngussat

1. Juliane Enoksen e-mail atorlugu oqaluuserisassanngortitaa 2020-mi januaarip 28-aneersoq

**Imm. 06 Angerlarsimaffeqanngitsut inigigallagassaannik pilersitsinissamut siunnersuut,
Sisimiut**

Journalnr. 44.18

Tunuliaqtaq

Kommunalbestyrelse-mi ilaasortap Evelyn Frederiksen-ip angerlarsimaffeqanngitsut inigigallagassaannik pilersitsisoqarnissaanik siunnersuuteqarpoq.

Maleruagassatigut tunngavissat

Eqqaasassaqanngilaq.

Pissutsit atuuttut

Kommunalbestyrelse-mi ilaasortap Evelyn Frederiksen-ip siorna upernaakkut 2019 angerlarsimaffeqanngitsut angerlarsimaffigallagassaannik pilersitsisoqarnissaanik siunnersuuteqarpoq, aammalu Kommunalbestyrelse-mit suliarineqarnermini innersunneqarsimavoq missingersuinermi ilanngunneqassasoq, tamannali pingaarnersiuinermi ilaatinneqanngilaq.

Maanna angerlarsimaffeqanngitsut inigigallagassaannik aammalu ulluunerani ornittakkamik kiallarfigineqarsinnaasumik pilersitsisoqarnissaanik Evelyn Frederiksen siunnersuuteqaqqippoq

Evelyn Frederiksen-ip allagaqarnermini ilanngullug eqqaavaa ullut kingullit assorsuaq sila atoruminaattoq, nunaqqataasunillu ernumasunit saaffigineqartarsimalluni, innuttaasullu nilleqimmat kælderini siumuissasoralutik ernumaateqartut.

Evelyn Frederiksen-ip ilanngullugu allappaa killiffik imaannaassanngeqisoq siumullu saattoqassappat imminullu napatinniassagaanni/ingerlaqqissagaannilu angerlarsimaffik toqqisisisisimoq siullertut pisariaqartoq inuullu kialluunniit tamanna pisinnaatitaaffigigaa.

Naggataatigut Evelyn Frederiksen-p allaaserivaa Peqqissutsimut Isumaginninnermut inatsisinullu atuutsitsinermut Naalakkersuisoq Nuna tamakkerlugu suliniateqarluni aallartikkaluartoq, utaqqisinnaanngitsugut – soorluttaaq angerlarsimaffeqanngisut iserfissaminut utaqqisinnaanngitsut, silami isseqisumi imaannaanngeqisumilu utaqqisiinnassappata inissaminiinngitsoq communalbestyrelse-lu iliuuseqartariaqartoq.

Atugarissaarnermut ataatsimiititaliap siulittaassua Hans Frederik Olsen aammalu Atugarissaarnermut immikkoortortaqarfimmi pisortap tullia Estella Buhrkall, Kommunini atorfillit pisortat qinikkallu naapisinneqarnerani ulloq 26. Februar 2020 Hotel Hans Egede Nuummi peqataapput matumani angerlarsimaffeqanngitsut aarlerinartorsiortullu pillugit ataatsimiisineqarmata.

Naalakkersuisup Martha Abelsen-p tikilluaqqusinermini eqqaavaa Naalakkersuisut kissaatigigaat nuna tamakkerlugu angerlarsimaffeqanngitsut aarlerinartorsiortullu pillugit isumaginninnikkut iliuuseqartoqarnissaanik pilersaarusiamik saqqummiussaqarumaartoq ukiamut 2020-mi.

Qulequtaq pillugu Kommuninit tamaginnit pisortat pisortaanerit ilisimasortallu ataatsimiisineqarput december 2019-mi Nuummi, naapinnerlu siullermeerutaavoq, massakkullu aappassaa naapinnermi angerlarsimaffeqanngitsut aarlerinartorsiortullu pillugit assigiinngitsutigut

ilisimasallit saqqummiussipput soorlu makku;

- Angerlarsimaffeqanngitsunut aarlerinartorsiortunullu INI a/s-ip neqeroorutai
- Kommuneqarfik Sermersuup angerlarsimaffeqanngitsunut unnuisarfiuta
- Angerlarsimaffeqanngitsut aarlerinartorsiortunullu unnuisarfiit najugaqarfiillu allaanerusut, Angutit Angerlarsimaffianni Købehavn-imiittumi pisortaq saqqummiivoq
- Kalaallit Nunaanni pissutsit ataatsimut isigalugit Steven Arnfjord Isumaginninnermut siunnersortinngorniat ilinniarfianit, Ilisimatusarfik
- Kommune Kujallermi angerlarsimaffeqanngitsunut aarlerinartorsiortunullu neqeroorutai
- Angerlarsimaffeqanngitsut kiffartunneqartarfiat, innuttaasut tikillugit ornigulluni ikorsiarneq, København kommune (Hjemløseenheden)
- Nuna tamakkerlugu nakorsaaneq, Henrik Hansen
- Innuttaasunik aarlerinartorsiortunik ornillugit allaanerusumik peqqinnissakkut ikorsiiniutit “Sociolancen”
- Kofoed Skole, Guju Thorsteinsson
- Kommuni Qeqertalimmi suliniutit

Siorna Evelyn Frederiksen-ip angerlarsimaffeqanngitsut angerlarsimaffigigallagassaannik pilersitsisoqarnissaa pillugu siunnersuuteqarnerata saniatigut nammineq kajumissutsiminnik suliniartut Rasmus Frederiksen angerlarsimaffeqanngitsut pillugit suliniutigerusutatik pilersaarutitillu pillugit saqqummiipput Ilaqtariinnermut Isumaginninnermullu Ataatsimiititaliap ataatsimiinnerani ukioq kingulleq.

Ilaqtariinnut immikkoortortami inuit angerlarsimaffeqanngitsut silaannarmi arlaanut oqqiffissarsiorlutik sinittartut pillugit nalunaartoqartillugu, erngertumik ujartuinerit pisarput, angerlarsimaffeqanngitsoq oqaloqatigineqarluni tusarniaaffigineqartarpooq, ikorsiissutinik sunik pisariaqartitsinersoq, iliuusissamillu pilersaarummik sanasoqartarpooq, matumani initaarniarnissaa

Siusinnerusukkut allakkatigut INI a/s angerlarsimaffeqanngitsut pillugit qinikkat qanoq iliuuseqarniarnersut saaffiginnissuteqarnerit pinikuupput, arlalitsigut INI a/s-mi vicevært-it angerlarsimaffeqanngitsut pillugit saaffigineqartarsimapput, kælder-ini majuartarfeqarfinnilu sinittunik naammattoorsisoqartillugu

Ajornartorsiutit ilagivaat Peqqinnissaqarfimmit innuttaasoq angerlarsimaffeqanngitsoq peqqilliornini tunngavigalugu uninngasimasoq, katsorsarnerlu naammassigaangat Peqqissaavimmiit ingerlatiinnarsinnaaneq ajoramikku nalunnginnamikku angerlarfissaqanngitsoq.

Taamatuttaaq ippoq Politiit suliamik passussisimatillutik innuttaasorlu angerlarsimaffeqanngippat iperaannarsinnaaneq ajorpaat, angerlarsimaffeqanngitsorlu pillugu Ilaqtariinnut immikkoortortamut saaffiginnissuttarpaat, angerlarsimaffeqanngitsorlu Ilaqtariinnut immikkoortortamit sullinneqalertarpooq.

Atuilluartuunissakkut kingunerisinnaasai

Inuit pisinnaatitaaffii eqqarsaatigalugit angerlarsimaffeqanngitsut Qeqqata Kommuniani kialarfissamik/unnuiffissamik pilersitsisoqarsinnaappat atuilluartuunerussaaq, angerlarsimaffeqanngitsormi sinissinnaanissani qulakkiissavaa inuuniarnerminilu ingerlariaqqinnissaminut nukissaqarnerulaalerluni

Allaffeqarfiup naliliinera

Allaffissornikkut siunnersuutigineqartoq pillugu ilalernartinneqarlunilu tapersernarpooq, illoqarfitsinni innuttaasut angerlarsimaffimmut iserfissaqanngitsut sumilu tamaani sinittariaqartartut

eqqarsaatigalugit inuuniarnikkut, peqqissutsikkut atugarissaarnikkullu navianartorsiorpata ikiorserneqarnissaminillu pisariaqartitsisoqarmat.

Nunaqqataasut qullersaqarfinnilu assiginngitsuni atorfillit annertuumik isumaalunnermik peqarput, ajornerpaatullu aarlerigineqartoq inuk issersuup ataani qiulluni toqusinnaanera malunnartumik ernumaatigineqarluni.

Kisitsisit eqqoqqissaartut, inunnilli nalunaarsuiffimmi allattorsimasut aallaavigalugit kisitsisit amerliartortut, ilisimaqqissaarneqanngilaq qassit quini, umiatsiakuni, majuartarfeqarnni allaniluunniit sinittarnersut, taamaammat pingaaruteqarpoq innuttaasoq kinaluunniit iserfissaqarluni eqqissilluni siniffissaqartariaqarnera, pingaaruteqarporlu ilisimasat annertunerusut piginissai, matumanit unnuisarfissaliornikkut qanimut inuit tikillugit, aammalu ilisimaligassat annertunerusut pigineqalissammata.

Angerlarsimaffeqanngitsut amerlanerpaat system-mut attuumassuteqarneq ajormata, inuussutissatigut ikorsiissutinik pisartagaqalernialutik qinnuteqarniartut aamma takussaarpiaerneq ajormata pisariaqarpoq illoqarfitsinni angerlarfissaqanngitsut atugarisaat qanorlu amerlatiginerat ilisimasaqarfigalugulu iliuuseqarfinginissaat.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigivaa

- Oqaluuserisassanngortitaq eqqartoriarlugu communalbestyrelse-mut inassuteqaassasoq.

Aalajangiineq

Atugarissaarnermut ataatsimiititaliaq Kommunalbestyrelse-mut imak innersuussuteqarpoq:

- Peqqissaavimmiit peqqissarneqareerlutik angerlarfissaqanngitsut inimik uffarfittalimmik inissiffigallarsinnaasaannik piaartumik nassaartoqarnissaa atuutilertitsisoqarnissaalu kissaatigineqarpoq.
- Angerlarsimaffeqanngitsut allat unnuiffigisinnaasaannik suliniaqatigiinnik piaartumik pilersitsisoqassaaq suliniaqatigillu suliap sinaakkutissai, suliassartai, aningaasaartuutissartai il.il. suliariissavai.

Ilanngussat

1. E-mail-kkut siunnersuutip ilaqtariinnut immikkoortortamit tigunera ulloq 30. Januar 2020 Evelyn Frederiksen-mit nassiunneqarsimasoq

**Imm. 07 Atugarissaarnermut immikkoortortami sulisut atugarisaannik
pitsanngorsaanissamik kissaatimik, kommunalbestyrelsimi ilaasortaq Sofie Dorthe
R. Olsen-imit siunnersuut**

Journalnr. 02.00

Tunuliaquataq

2019-imi decembarip tallimaani Kommunaklbestyrelsimi ilaasortaq Sofie Dorthe R. Olsen Qeqqata Kommunia's officielle mail-ianut, Atugarissaarnermut ataatsimiititaliami eqqartugassanngorlugu oqaluuserisassamik "Ilaqtariinnermut immikkoortortami sulisunut atugaritinneqartut pitsanngortitsigit"-mik nassiussaqarpoq.

Maleruagassatigut tunngavigisaq

Aningaaasarsianit akileraarutit pillugit Inatsisartut inatsisaanni nr. 12 2. november 2006-imeersumi § 19 imm. 8.

Kalaallit Nunaanni Namminersorlutik Oqartussat kaajallaasitaat nr. 1, 17. september 2012-imeersoq

Pissutsit atuuttut

Kommunalbestyrelsimi ilaasortaq Sofie Dorthe R. Olsen siunnersuummini, Maniitsumi Sisimiunilu ilinniarluarsimasunik sulisunik amigaateqartuaannarnera patsisaalluni, sulisut atugassarititaannik pitsanngorsaanissamik annertuumik pisariaqartitsisoqarneranik allaaserinnippoq.

Sulisut meeqqamik/inuuusuttumik inissiartortilluni imaluunniit aallertilluni angalanissaannut, namminneq taxa-nut nerisaqarnermullu aningaaasartuutinut akiliuteqareerlutik angerlarnerminni aatsaat utertinneqartarnerinut taarsiuallugu, siumoortumik tunniussisoqartarnissaq siullertut Sofie Dorthe R. Olsen-ip nassuiarpaa.

Tassunga tunngatillugu Atugarissaarnermut ataatsimiititaliamit paasissutissiissutigineqassaaq, sulisut meeqqamik inissiartorlutik imaluunniit aallerlutik angalanerminni nerisaqarnermut matussusiisunik ullormusiaqartinneqartartut, taakkulu angerlareernermeri tunniunneqartarlutik. Meeqqamut/inuuusuttumullu tunngatillugu aningaaasartuutit Atugarissaarnermut immikkoortortamit akilerneqartartussaapput, taakkulu angalalinnginnermi siumut tunniunneqarsinnaapput.

Ullormusianut atatillugu Qeqqata Kommunia malittarisassaqarpoq, tassaalluni angalanissaq sapaatip akunnera ataaseq sinnerlugu pissappat, sulisoq siumut ullormusianik qinnuteqarsinnaalluni, taamaattoqartinnaguli angerlareernerup kingorna ullormusiat qinnutigineqartarpuit. Angalaneq inissiinermut/aallernermut attuumassuteqarpat, taxanut aningaaasartuutit inissiisarnermut atuiffimmit matussuserneqartarput, taakkulu aallannginnermi siumoortumik tunniunneqareersinnaallutik.

Aappaatut Sofie Dorthe R. Olsen-ip siunnersuutigaa, isumaginninnermi pigaartoq/bagvagt-i biilnik angerlaassisoq akileraartarunnaartinneqassasoq. Akileraartarnermut Aqutsisoqarfiup Biileqartitaanerup akileraartarneq pillugu suliarineqartarneranut tunngatillugu kaajallaasitaq nr. 1, 17. september 2012-imeersumi ima allassimasoq paasissutissiissutigineqassaaq:

"Sulisunut suliartoqquneqaratarsinnaallutik sillimasunut atatillugu angerlarsimaffiup suliffullu akornanni biilerneq akileraaruserneqarneq ajorpoq. Suliantoqquneqaratarsinnaanermut sillimaneq

tassaaavoq atorfeqartoq pigaartuunermi nalaani angerlarsimaffimmuit "sumiiffinnut aalajangersimasuunngitsunut" aggeqquneqartarpal. "Sumiiffiit aalajangersimasuunngitsut" imatut paasineqassapput tassaasut illoqarfimmi suliffiugallagassanut ilisimariinngisanut aggersarneqarsinnaaneq. Sumiiffiit ilisimanissaat aalajangiisuuunngilaq, kisiannili tamakkua ima amerlatigaat sumiiffinnut assigiinngitsunut amerlaqisunut sorlernut aggeqquneqarnissaq ilisimaneqarani. Suliffik nalinginnaasoq "sumiiffinnut aalajangersimasuunngitsunut" ilaatinneqanngilaq, aammattaaq sulisitsisoq illoqarfimmi arlalinnik sumiiffeqaraluarpalluunniit.

Akileraaruteqartitsinnginnissamut piumasaqaataalluinnarpoq sulisitsisup atorfeqartup suliartoqquneqaratarsinnaanermut sillimaneranut atatillugu angerlarsimaffiup suliffiullu akornanni biilertarnissaanut allakkatigut peqqussuteqarfifgissagaa kiisalu allakkatigut aalajangissallugu atorfeqartoq aammattaaq suliartoqquneqaratarsinnaanermut sillimanerup nalaani namminersuutigalugu biilissannngitsoq. Naatsorsuutigineqarpoq sulisitsisup allakkatigut peqqussuteqarneq maleruarneqarnersoq nakkutigissagaa. Atorfeqartoq ukiup ingerlanerani pigaartutut aggeqquneqaratarsinnaanermi nalaani ataasiaannarluni namminerisaminik biilersimaguni, biilerneq taamaattoq imm. 1.2.-mi 1.2.1.-imiluunniit ukiumoortumik naligititaq naapertorlugu akileraarusiiffigineqassaaq. Assersuutigiinnaarlugu ima pisoqarsinnaavoq, atorfeqartoq sap. akunnerata naanerani suliartoqquneqaratarsinnaalluni sillimasuusoq, sapaaammi ullaakkut biilerluni iffiorfimmut iffiusgarsiniartoq imaluunniit ualikkut ilaquuttaminut pulaartoq".

Pingajuattut Sofie Dorthe R. Olsen-imit siunnersuutigineqarpoq, sulisunut ajunngitsorsiassatut kaffit, tiit, sukkut allallu Qeqqata Kommunia sulisunut tunissuteqartariaqartoq.

Sulisunut politikkimi atuuttumi tamanna pillugu nassuaassutitaqanngilaq.

Aningaasaqarnikkut allaffissornikkullu kingunerisinaasai
Eqqaasassaqaanngilaq

Atuilluartuunissakkut kingunerisinaasai
Sulisut suliffimminni ingerlalluarniassammata, sulisunut pissutsit pitsanngorsaavagineqarsinnaanerisa ukkatarineqarnissaat pitsaasuuvvoq.

Allaffeqarfiup naliliinera
Kommunalbestyrelsimi ilaasortap Sofie Dorthe R. Olsen-ip immikkoortut Atugarissaarnermut ataatsimiititaliamut oqaluuserisassanngortippai, tamatumalu kingorna oqaluuserisassat inaarutaasumik aalajangiiffigineqarnissaanut, Atugarissaarnermut ataatsimiititaliap aalajangiinera apeqqutaalluni, Kommunalbestyrelsimit ingerlateqqinnejqassallutik.

Immikkoortumut siullermut atatillugu, sullisisut aallannginnerini taxanut, meeqqamat/inuusuttumut nerisaqartitsinissamut kiisalu angalanerup nalaani inuulluataarnissamut aningaasartuutissanut siummum tunniussisoqarnissamik equmaffiginnissasut, taamaalillutik sulisut aningaasartuutinut nammineerlutik akiliuteqassanatik. Angerlareernerup kingorna qanorluunniit naatsorsuisoqartapoq.

Isumaginninnermi pigaartuutiluni suliffiup biiliinik akileraartannginnissamut atatillugu, siunnersuummut tunngatillugu innersuussinissaq Kommunalbestyrelsimit aalajangerneqassaaq, tamannami Atugarissaarnermut ataatsimiititaliap pisinnaatitaaffiata avataaniimmat.

Kaffit, tiit il.il. akeqanngitsunut atatillugu, sulisunut tamanut akeqanngitsumik kaffeqartitsinissaq, teeqartitsinissaq il.il. pillugu Kommunalbestyrelsimit aalajangiiffigineqassasoq, tassa Kommunalbestyrelsi immikkoortortamut ataasiinnarmut aningaasaliisinnaanngimmat,

taamaattoqassappallu kommunimi sulisunik immikkoortitsinerussammat, tamannalu naapertutigani.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa

- Kommunalbestyrelsimi ilaasortamit Sofie Dorthe R. Olsen-imit oqaluuserisassatut siunnersuut, meeqqamik/inuuusuttumik inissiinermut imaluunniit aallernermut atatillugu aningaasartuutinut siumut tunniussisoqarnissamut periarfissaqarnissaq pillugu eqqartuisoqassasoq
- Kommunalbestyrelsimi ilaasortamit Sofie Dorthe R. Olsen-imit oqaluuserisassatut siunnersuut, isumaginninnermi pigaartuusup suliffiup avataani pigaartuunermini suliffiup biiliinik angerlaassinermi akileraartitsisanginnissaq pillugu eqqartuisoqassasoq
- Kommunalbestyrelsimi ilaasortamit Sofie Dorthe R. Olsen-imit oqaluuserisassatut siunnersuut, sulinerup nalaani akeqanngitsumik kaffisorsinnaanermut, tiitorsinnaanermut, sukkut il.il. periarfissaqarnissaq pillugu eqqartuisoqassasoq
- oqaluuserisassaq ataatsimiititaliap innersuussutaanik imaqartoq Kommunalbestyrelsimi oqaluuserisassanngorlugu ingerlateqqinnejassasoq

Alajangiineq

Immikkoortortaqaarfimmi pisortat immikkoortortami sulisut pitsaaneruseumik atugaqarsinnaaneranut sukumiisumik eqqartueqatigiissapput. Pitsangorsaataasinnaasut ataatsimiititaliamut saqqummiunneqassapput saqqummiussinermilu sulisut suliallu agguataarneri amerlassusaallu paassisutissiissutigineqassappput.

Ilanngussat

1. Inatsisartut inatsisaat nr. 12, 2. november 2006-imeersoq.
2. Kalaallit Nunaanni Namminersorlutik Oqartussat kaajallaasitaat nr. 1, 17. september 2012-imeersoq
3. Isumaginninnermi pigaartuunermut aaqqiisummut maleruagassat, 24.02.2020-mi nutarterneqartoq

**Imm. 08 Innuttaasunut innarluutilinnut angajoqqaat siunnersuisooqatigiinnik
pilersitsinissamut siunnersuut**

Journalnr. 47.00

Tunuliaqtaq

2020-mi februariip aqqaneq-aappaani ataatsimiititaliap ataatsimiinnerani tamalaani, ataatsimiititaliami ilaasortaq Juliane Enoksen, innuttaasunut innarluutillinnut innarluutilinnut inissiani imaluunniit najugaqaqtigiinni najugaqartunut angajoqqaat siunnersuisooqatigiivnik pilersitsisoqarsinnaaneranik misissuisoqarnissamik, kingornalu pilersitsinissamik kissaateqarpoq.

Maleruagassatigut tunngavigisaq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 69

§ 69. Kommune innarluutillit pillugit siunnersuisooqatigiinnik pilersitsisussaatitaavoq. Innarluutillit pillugit siunnersuisooqatigiit innarluutillit pillugit politikimut tunngasunik apeqqutini siunnersortassavaat aamma innuttaasut kommunalbestyrelsillu akornanni najukkami inunnut innarluutilinnut tamanut politikit tamaasa pillugit apeqqutit isummersuillu siammartertassavaat.
Imm. 2. Kommunalbestyrelsip suliniutit inunnut innarluutilinnut pingaarutillit tamaasa pillugit innarluutilinnut siunnersuisooqatigiit tusarniartassavai.

Imm. 3. Inunnut innarluutilinnut siunnersuisooqatigiit apeqqutit inunnut ataasiakkaanut tunngasut suliarisinnaangilaat

Imm. 4. Inunnut innarluutilinnut siunnersuisooqatigiinni ilaasortat sisamat aamma arfineq pingasut akornanni amerlassuseqarput. Inunnut innarluutilinnut siunnersuisooqatigiit, kommunalbestyrelsimit aallartitanik, kommunimi imaluunniit allani isumaginninnermut suliassaqfimmi kommune sullillugu suliassanik attuumassuteqartunik suliaqartartuni sulisunik, aammalu inuit innarluutillit peqatigiiffiinit aallartitanik, amerlaqatigiinnik ilaasortaqartillugit katitigaassapput. Kommunalbestyrelse inunnut innarluutilinnut siunnersuisooqatigiinni aallartitaqassaaq.

Imm. 5. Inunnut innarluutilinnut siunnersuisooqatigiit pisariaqartumik allattoqarfearnermut tunngasunik suliassaataannut kommunalbestyrelse ikuutissaaq.

Imm. 6. Inunnut innarluutilinnut siunnersuisooqatigiit suliaqarnerat katitigaanerallu pillugit maleruagassanik erseqqinnerusunik kommunalbestyrelse aalajangersaassaaq.

Pissutsit atuuttut

2020-mi februariip aqqaneq-aappaani ataatsimiititaliap ataatsimiinnerani tamalaani, ataatsimiititaliami ilaasortaq Juliane Enoksen, innuttaasunut innarluutilinnut innarluutilinnut inissiani imaluunniit najugaqaqtigiinni najugaqartunut angajoqqaat siunnersuisooqatigiivnik pilersitsisoqarsinnaaneranik misissuisoqarnissamik, kingornalu pilersitsinissamik kissaateqarpoq.

Sisimiuni innarluutilinnut immikkoortortaq najugaqaqtigiiffinnik kiisalu innarluutilinnut inissiat 16-it pigisaqarpoq. Maniitsumi taamatuttaaq najugaqaqtigiiffinnik kiisalu innarluutilinnut inissianik 16-inik peqarluni. Najugaqaqtigiiffiit inersimasunik nammineersinnaassusilinnit, ulluinnarni sulisunit isumassorneqartunik najugaqarfiupput.

Innuttaasut taakku ilaat aningaasaqarnikkut nakkutiginnittoqarput, nakkutiginnittunit aningaasaqarnerat aqunneqarpoq kiisalu aningaasaqarnermut tunngassuteqartunut apeqqutinut sinnerlugit aalajangiisarlutik.

Sisimiunit innarluutilinnut inissiani 16-iusuni quleriinni gullerni marluusuni, katillugit inissiat arfineq-marluusuni najugaqaqtigiiifeqarpoq, taakkulu inersimasut nammineersinnaassusillit sulisunit ulluinnarni isumassorneqarlutittaqaq.

Maniitsumi innarluutilinnut inissiani 16-ini innuttaasut innarluutillit najugaqarput, taakkullu ulluunerani tapersorsorteqaannartuullutik.

Ulluinnarni najugaqaqtigiiffiit Atugarissaarnermut immikkoortortallu akornanni qanumut suleqatigiinneq ingerlanneqarpoq, taamaalilluni innuttaasunut najugaqaqtigiiiffinni najugaqartunut suliniuit eqqartorneqarsinnaasarlutik.

Sulisut nipangiusimasussaatitaapput, taamaalillutillu najugaqaqtigiiffimmi najugalinnut tunngasunik oqaaseqarsinnaatitaanatik, qanigisallu ilaquitaminnut tunngasutigut tapersorsorneqarnissamik misissuisoqarnissaanillu kissaateqarpata, tamanna innuttaasumit akuerineqartinnagu pisinnaanani.

Atugarissaanermut immikkoortortamit paassisutissiissutigineqassaaq, ilaanneeriarluni angajoqqaajusut Atugarissaanermut immikkoortortamut, najugaqaqtigiiffimmi aqutsisumut meeqqami inersimalereersut konto-ini qanoq imaqarneranik paasiniaallutik imaluunniit meeqqami inersimalereersut sinnerlugit aalajangiinissamut kissaateqarlutik saaffiginnittartut. Taamatut pisoqartillugu angajoqqaat imaluunniit qanigisaasut sulisunit paassisutissiivigineqartarput, sulisut nipangiusimasussaatitaallutik taamaalillutillu oqaaseqarsinnaanatik.

Innultaasoq nammineq eqqarsarluarsinnaasumut, inissisimanerminillu ilisimaarinnittumut, angajoqqaat imaluunniit qanigisaasut allat innuttaasoq sinnerlugu iliuuseqarnissamut imaluunniit meeqqami inersimalereersut pillugit paassisutissanik pissarsinissamut akuersissummik imaluunniit pisinnaatitsissummik peqartoqqaassaaq.

Siusinnerusukkut Qeqqata Kommunia innarluutillit siunnersuisooqatigiivinik peqarnikuuvooq, siulittaasulli Sisimiuniit nuunnerata kingorna innarluutillit siunnersuisooqatigiiivi ingerlajunnaarsimapput.

Innarluutillit siunnersuisooqatigiivisa ingerlaleqqinnissaa anguniarlugu arlaleriarluni suliniuteqartoqarsimagaluarpoq, tamannali iluatsissimannngilaq.

Inuit innarluutillit tapersorsorneqarnissaanut Inatsisartut inatsisaat nutaaq naapertorlugu, kommunalbestyrelsi innarluutillit siunnersuisooqatigiivinik pilersitsissaq. Innuttaasunut innarluutilinnut pingaarutilinnut tunngasunik innarluutillit siunnersuisooqatigiivinit isumagineqartassaaq, taamaattorli inuit ataasiakkaat pillugit sulianut siunnersuisooqatigiiifik suliaqarsinnaanani.

Atugarissaarnermut immikkoortortaq suleqatigiissitaq 3 "Inuunerinneq - inuuneq tamaat"-mi "Immikkut pisariaqartitsineq"-mi peqataavoq, suleqatigiissitarlu innarluutillit siunnersuisooqatigiivinik pilersitsinissamik suliaqarluni.

Atuilluartuunissakkut kingunerisinaasai

Innuttaasut imminnut isumagisinnaanngitsut isumassorneqarnissaaq aammalu ullormut akunnerni 24-mi sulisoqartuarnissaq atuilluartuuneruvoq.

Innuttaasut taakku aningaasaqarnerminnik ilisimasaqanngippata isumaginnissinnaanngippataluunniit, sulisut imaluunniit nakkutiginnittumit isumagineqarnissaat atuilluartuuneruvoq.

Assersuutigalugu innuttaasumut aningaaserivimmit aningaasanik tigusisoqassatillugu, tamanna marlunnik atsiortoqartinnagu pisinnaanngilaq.

Aningaasaqarnikkut allaffissornikkullu kingunerisinaasai

Eqqaasassaqanngilaq

Allaffeqarfiup naliliinera

Atugarissaanermut immikkoortortaq isumaqarpoq, innuttaasunik innarluutilinnik ulluinnarni isumassuineq, aningaasaqarmerisalu aqunneqarmerinut periuseq pingaaruteqarluinnartuusut.

Innuttaasullu inersimasuummata nammineersinnaasusillit, nammineersinnaassusiagaanngitsut, angajoqqaat siunnersuisooqatigiinnik pilersitsisoqartariaqanngitsoq.

Innarluutilinnut immikkoortortamut inatsit nutaaq atuutilermat, kommunalbestyrelsi innarluutililit siunnersuisooqatigiivinik pilersitsisussaatitaalerpoq, taakkulu innuttaasunut innarluutilinnut tunngasunik pisunut pissutsinullu isumaginnituusussaallutik.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutiga

- innuttaasunut innarluutilinnut innarluutililit inissiaanni kiisalu najugaqaqatigiiffinni najugaqartunut angajoqqaat siunnersuisooqatigiivinik pilersitsisoqassanngitsoq

Aalajangiineq

Allaffissornernikkut suliareqqitassanngorlugu utertinneqarpoq. Inatsip nutaanngornerata kingunerisaanik allaffissornikkut massakkumut suliat suliariaasissallu ataatsiminiinnissaq tullianimut saqqummiunneqassapput.

Ilanngussat

Imm. 09 Qeqqata Kommuniani Utoqqaat Siunnersuisooqatigiit maleruaqqusaannut oqaasertaasa allannguutissatut siunnersuut.

Journalnr. 01.05

Tunuliaqtaq

Qeqqata Kommuniani Utoqqaat Siunnersuisooqatigiit videokonference-ikkut naapillutik ataatsimeeqatigiipput ulloq 6. december 2019. Tassanilu eqqartorneqartut ilagaat Qeqqata Kommunia-ni Utoqqaat Siunnersuisoqatigiit maleruaqqusaat. Tassani maannakkut qinigaaffimmi Utoqqaat Siunnersuisoqatigiinnut maleruaqqusaq atuuttoq eqqartuiffigineqarluni.

Maleruagassatigut tunngavissat

Qeqqata Kommuniani Utoqqarnut Siunnersuisoqatigiinnut maleruaqqussaq ulloq 27. oktober 2016-meersoq.

Pissutsit atuuttut

Qeqqata Kommuniani Utoqqaat Siunnersuisoqatigiit videokonference-kkut Kangaamiuneersoq oqarasuaatikkut ataatsimeeqatigiipput ulloq 6. december 2019. Naapinnerminni oqaluuserisaasa ilagivaat kissaatigalugulu Qeqqata Kommunia-ni Utoqqarnut Siunnersuisoqatigiinnut maleruagassaaq 2016-meersoq ullutsinnut qinigaaffimmullu matumunnga naleqqussarneqarnissaa.

Ukioq 2017-mi nutaamik politikkut aqtsisoqalernikuuvvoq aammalu nutaamik Kommunaldirektør-itaaqqammerluni. Aammalu ataatsimiititaliaq attuumassuteqarfigisaq allatut taaguuteqalernikuulluni. Kiisalu minnerunngitsumik imarisamigut naleqqussaavigineqarnissaa misissuataarneqartariaqarluni.

Maleruagassami ilanngussami allannguutissatut siunnersuutigineqartut aappalaartumik naqinneqarput.

Isumalluutnik naliliineq

Qeqqata Kommuniani Utoqqaat Siunnersuisoqatigiit maleruagassamik allannguallatsillugu naleqqussarneqarnissaa tulluarsarneqaruni ingerlanerminnut tulluarnerulissasoq.

Allaffeqarfiup naliliinera

Atugarissaarnermut immikkoortortaqarfiup nalilerpaa Qeqqata Kommuniani Utoqqaat Siunnersuisooqatigiit maleruagassaasa tulluarsarlugu oqaasertaasa allannguallatsinneqarnissaat tulluartuusoq aammalu ullumikkut politikkut allaffissornikkullu qullersaasut atsorsimanissaat tullartinneqarluni.

Innersuussut

Atugarissaarnermut immikkoortortaqarfik Atugarissaarnermut Ataatsimiititaliamut
innersuutigineqarpoq

- Qeqqata Kommuniani Utoqqaat Siunnersuisooqatigiit malerugassaata tulluarsarlugu oqaasertaasa allannguallatsinneqarnissaat akuersissutigineqassasoq, Kommunalbestyrelsemullu akuerineqartussanngorlugu ingerlatinneqassasoq.

Aalajangiineq

Akuersissutigineqarpoq.

Ilannngussat

1. Utoqqaat Siunnersuisooqatigiit maleruagassaat ulloq 27. oktober 2016-meersoq
2. Utoqqaat Siunnersuisooqatigiit maleruagassaat nutaatut siunnersuut

Paasissutissiissutit

Imm. 10 Naalakkersuisut ilaqtariinnut politikki pillugu tusarniaassutip paasissutissiissutiginera

Journalnr. 00.03.06

Tunuliaquataq

Isumaginninnermut Inatsisinillu Atuutsitsinermut Naalakkersuisoqarfip "Naalakkersuisut Ilaqtariinnermut politikiata tusarniutigineqarnera" Qeqqata Komunianut januarip aappaani 2020-mi nassiuppaq.

Maleruagassatigut tunngavigisaq

Siornatigut Naalakkersuisuni tamanna politikkeqarfingineqarnikuunngilaq.

Pissutsit atuuttut

Tusarniaanermi akissut januarip 16-iani naamassineqarluni suliarineqarpoq. Tusarniaanermi akissut Atugarissaarnermut Immikkoortortaq sinnerlugu sulisunik pisortallu sulisunit suliarineqarpoq Kingornalu Atugarissaarnermut Ataatsimiititaliami ilaasortanut tamanut tusarniaassutigineqarpoq mail-ikkut nassiunneqarluni, Atugarissaanermut immikkoortortaqarfik Atugarissaarnermut ataatsimiititaliap ilaasortaaniq tamanna pillugu ilassuteqaatinik tigusaqannngillat. Tusarniaanermi 24. januar 2020 killigitinneqarpoq, tusarniaanermulli akissut februaarip 26-ani Isumaginninnermut Inatsisinillu Atuutsitsinermut Naalakkersuisoqarfimmut aatsaat nassiunneqarpoq kingusinaartumillu nassiunneqarnera utoqqatsissutigineqarluni.

Atuilluartuunerup kingunerisai

Nuna tamakkerlugu ilaqtariinnermut politikkip qitiutinnissaa atuilluartuuneruvoq.

Aningasaqarnikkut allaffissornikkullu kingunerisinaasai

Tusarniummut akissut aningasaqarnikkut kinguneqarnissaa naatsorsuutigineqanngilaq.

Allaffeqarfip naliliinera

Qeqqata Kommunia tusarniutip akissutaaniq ukuninnga nassiussivoq:

Qeqqata Kommuniata (uanntaa: QK) Ilaqtariinnermut Naalakkersuisut politikkiat annertooq pitsaasutut isigivaa tassanilu anguniagaasut pillugit tapersersuilluni. Malitsigisaanik politikkimut Naalakkersuisut tungaanniit malitsitsilluni sulisoqarnissaa QK-mit malinnaavigineqarnissaa qilanaarivaa.

Politikkimut QK tullinnguuttutigut oqaaseqaatissaqarpoq:

Q 3: Quppernerit pingajuanni ajornannginnerusumik takunnissinnaaneq pillugu immikkoortuni arfiniliusuni kisitsisinik ilangussisoqassasoq QK-p siunnersuutigivaa.

Q 3: QK-p qallunaatut allassimanerani oqaaseqatigiinni kukkuneqarnera erseqqissarpaa: "Således er særligt de første år af barnets levetid er afgørende for" (q 3 allermi) siunnersuutigineqarpoq "er" peerneqassasoq

Q 4 immikkoortoq 3: Oqaaseq "familiecoaching" atorneqarpoq. QK-mi kommuninilu allani Ilaqutariinnik siunnersueqatigiinneq atorneqarpoq. Oqaatsip taassuma atorneqartup atorneqannginneranut QK tupigusuppoq.

Q 4 qitorntaarnermi atukkat pitsaanerusut pillugit: Qitorntaarnermi sulinngiffeqartarneq nutaaq atuutileqqammerpoq, tassani qitorntaarnermut pissutsit pitsangortinneqarlutik. Inatsit atuutileqqamersumi suli allangnguisoqassasoq eqqarsaataavaa?

Q. 5 qitorntaarnermi aningasaateqarfik pillugu: Qitorntaarnermi akissarsiaqartarneq pisortanit nuutsinneqarnissaa QK-mit pitsasutut isigineqarpoq.

Q. 4 imm. 5: Ilaqutariinnut paarsisartunik 2020-mi misissueqqissaarnermik aallartitsioqarnissaa, QK-mit pitsasutut isigineqarpoq.

Q. 5 erninissaq sioqqullugu isumassuinerup aallunnneqarnera pillugu: QK innersuusutigissavaa, erninerit sapinngisamik amerlanerpaat innuttaasup illoqarfigisaani pisarnissaat.

Q 5: "Peqqissaasoq angerlarsimaffinnut tamanut isertarpooq, meeqqallu ilaqutartiillu ulluinnarni atugaannik malinnaalluni." QK-p illoqarfinni nunaqarfinnilu tamani meeqqerisoqannginnerra erseqqissaatigaa. Oqaaseq "sundhedsplejerske/peqqissaasoq" oqaatsimik "sundhedsfagligt personale/peqqissaanermut tunngasunik ilinniagalik"-mik taarserneqassasoq ilassuserneqassasorluunniit QK siunnersuutigivaa.

Q 5: Arnat meeqqallu Illernit-ni katsorsarneqarsinnaanerat, aammalu ilaqutariit tamakkerlugit neqeroorut annertusarneqarnissaanik kissaateqarneq pitsasuuvvoq. QK taakkartorpaa, maannakkut katsorsartinnissamut neqeroorutini inissanik amigaateqartoqartoq. QK kissaatigivaa, ataataasut (kisimiittut) katsorsarneqarsinnaanerannut aammattaaq periarfissiisoqassasoq.

Q 6: QK-p kissaatigivaa, perorsaanikkut ilinniartoqarfiit nukitorsarneqarnissaannut aammalu perorsaasut sulineranni paariinnarneqarnissaannut akissarsiat pitsaanerusut qulakkeerneqarnissaanut sulisoqassasoq. Meeqqerivinnik pitsasunik toqqisisimanartunillu pilersitsinissamut tamanna qitiuovoq.

Q 6: Meqqeriviit atuarfiillu akornanni ikaarsarnermi tapersersuinissamut atuarfinni 1.-3. klassini kiisalu ilinniartitsisut ulluinnarni perorsaanikkut sulineranni tapersersorneqarnissaannut, perorsaasunik atorfinititsinissamik sulisoqassasoq QK kissaatigivaa.

Q 6: "Taamaattumik pingaruteqarpoq meeqqat inersimasullu ilaqutariinni toqqisisimasuni alliartortut ilaqutariunissamut angajoqqaajunissamullu periarfissanik saqqummiiffigineqarnissaat." Uani oqaaseqatigiiliornermi qallunaatoortaa kalaallisortaalu tulluanngillat.

Q 6: "Ilaqutariit tamarmik 0-18-inik ukioqartunik meeraqartut ilaattilugit ilaatigut suliniutit arlallit pilersaarutigineqarput." "ilaqutariit tamarmik 0-17-inik ukioqartunik meeraqartut" -mik allaqqanissaa QK siunnersuutigaa.

Q 7 nunaqarfiiit atuarfianit illoqarfiiit atuarfianut ikaarsarneq pillugu: Inersimasut meeqqanik sullisisut perorsaanerup iluani erseqqissumik naleqquttumillu ilinniagaqarnissaat QK kissaatigaa.

Q 7: QK erseqqissaatigivaa, qallunaatuuaani allassimasoq "børn der flytter til en bygdeskole" kukkoqqasoq. Illoqarfimmi atuarfimmik allassimassasoq ilimagineqarpoq.

Q 7: Allassimasup "Arbejdet er påbegyndt og flere initiativer om elevhjemmene skal i samarbejde med kommunerne igangsættes" isumaa imarisalu ajoraluartumik QK-mut paasuminaappoq. Allassimanera qallunaatut kalaallisullu nassuiarneqassasoq itisilerneqassasorluunniit kissaatigineqarpoq.

Q 7: QK qulequttami kukkusqarsimanera erseqqissaatigaa "Sikre barnets har ret til..." "Har" peerneqarnissaa siunnersuutigineqarpoq.

Q 7: Inissiinissamik suliassani meeraq qitiutinneqarnissaa aammalu angajoqqaajusunut attaveqarnerup ingerlaannartarnissaanik sulisoqassasoq, QK-mit pitsasutut isigivaa. QK apeqqutigerusuppa, ilaqutaasut sinnerinut soorlu qatanngutaasunut aanakkuusunut aatakkuusunut

attaveqartoqaannarnissaanut aammattaaq sulisoqassanersoq? Qulequttamut”... skal sikres kontakt med deres nærmeste pårørende”-mut allannguisoqarnissaa QK-mit siunnersuutigineqarpoq.

Attaveqarneq taanna avatangiiserisanik attuumassuteqannngitsumik nakkutigineqarlungi nakkutigineqarani luunniit pisassanersoq, allassimanerani ersarissarneqassasoq QK kissaatigivaa.

Q. 7 meeqqat ilanngutitneqartarnissaat pillugu: Ilanngutitsinissamik annertussusissaa imarisassaalu meeqqap ukiunik inerisimassusaanillu apeqquaasorujussuuvoq.

Q 8 Imm. 2.4 ataani. Allassimasoq ”... nødvendige behandling og støtte, hvis en ulykkelig begivenhed indtræffer” pinaveersaartitsinermik suliniutit soorluuna ataasiartumik alianartumik pisoqarnissaanik pinaveersaartitsilluni suliniutissatut siunertalittut nipeqalersitsisut.

Pinaveersaartitsilluni suliniutaasut taakkunannga siammasinnerusumik suliniutitut QK isigivai - assersuutigalugu sivisunerusumik imigassamik atornerluisimanermik, inooqataanikkut ingerlanerliornerup imaluunniit peqqinnangitsumik inuuneqarnermk pinaveersaartitsineq.

Q 8: ”arbejder med hele mennesker” imatut ”arbejder med det hele menneske” allanngortinneqassasoq imaluunniit piiginnarneqassasoq siunnersuutigineqarpoq.

Q 8-9: ”... være vidne til vold mod mor eller far...” imatut ”... være vidne til vold...” allanngortinneqassasoq siunnersuutigineqarpoq, angajoqqaammi saniatigut assersuutigalugu qatanngummut persuttarneqartumut isiginnittuuneq meeqqamat ajoqusiisinnaammat.

Q. 9: QK kissaatigivaa ”pengespil” imatut ludomani allanngortinneqassasoq.

Q 10 immikkoortoq 2.6 ataani: QK ”diversitet” ”mangfoldighed”-imik taarserneqarnissaa siunnersuutigaa.

Q 10 immikkoortoq 2.6: Ilaqtariit imminnut pilersorsinnaalernerannut ilaasoq tassaavoq, angajoqqaajusut aningaasaqarnermk aqutsinermik missingersuusiorsinnaanermillu paasinnissinnaanerat. Inuttut ataasiakkaatut aningaasaqarnermut, netbankimik betalingsservicemik il.il. innuttaasut ilinniartinneqartarnissaat politikkimi ilangullugu allanneqassasoq QK siunnersuutigivaa. Inissiaatileqatigiiffiit, aningaaseriviit, Nukissiorfiit kommunillu qanimat suleqatigiittariaqarput.

Q 11: Politikkimi sumiiffinni arlalinni allassimasoqarpoq ”sat ud af deres bolig”. QK erseqqissaatigivaa, nalinginnaasumik allanneqartarmat ”udsat” uani anisitaanik pineqartarmat.

Q 11: QK erseqqissaatigivaa, kommunini arlalinni akitsoqalersimanermut siunnersuisarnernik aammalu misilummik suliniut tunuliaqutigiinnarlugu Kommune Kujallermiinnaanngitsoq peqarmat. QK siunnersuutigivaa, allassimaneranut iluaqutasussamik misilummik suliniut peerlugu imatut ”der er ansat gældsrådgivere i flere kommuner under INI A/S” allanngortsisoqassasoq kiisalu pineqartumi siunissami suliassat nassuiarneqassasut.

Q 11: Ingerlaannartumik akiliisarnermk aaqqissuussinermik pilersitsisoqassasoq QK pitsaasutut isigivaa.

Q 11: Allassimasumi ”Vi skal arbejde for, at det bliver en naturlighed altid at inddrage hele familien....” ’at’ amigaataanera QK maluginiaqqua.

Paatsoortoqarnissaanut aammalu kukkusumik paasineqarnissaanut killilersimaarinnitoqarniarluni politikkip qallunaatut kalaallisullu allassimanerisa akornannit pitsaassutsimik kulakkeerisoqarnissaanut pisariaqartitsisoqartoq QK taakkartorpaa.

Tusarniaanermi akissuteqaat allaffissornikkut kiisalu pineqartumi politikkikkut ataatsimiititaliami suliarineqarpoq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa:

- Naalakkersuisut Ilaqtariinnut politikkiliaanut tusarniaanermi akisummut paasissutissiineq tusaatissatut tiguneqassasoq.

Aalajangiineq

Tusatissatut tiguneqarpoq.

Ilanngussat

1. Ilaqtariinnermut politikkimi tusarniaanermut allakkat
2. Naalakkersuisut Ilaqtariinnut politikkiat

**Imm. 11 Siusinaartumik pensionisiat pillugit Inatsisartut inatsisaata
allanngortinneqarneranik Inatsisartut inatsisaat nr. 28, 28. november 2019-
meersoq toqqammavigalugu, aningasaqarnikkut Kommunimut
kingunerisinnaasaanik assersuusiorluni naatsorsuineq.**

Journalnr. 43.03

Tunuliaquataq

Siusinaartumik pensionisiat pillugit Inatsisartut inatsisaanni nr. 40-mi, 9. december 2015-imeersumi, tamatuma kingorna allanngortinneqartartumi, kingullertigullu allanngortinneqartumi Siusinaartumik pensionisiat pillugit Inatsisartut inatsisaata Inatsisartut inatsisaat nr. 28, 28. november 2019-meersoq allanngortinneqarnerata aningaasatigut sunniutigisinnaasai matumani assersuusiorluni suliarineqarput.

Tassani allanngortinneqarluni Kalaallit Nunaanni, Danmark-immi Savalimmiunilu Kommunit akornanni paasissutissanik paarlasseqatigiittarneq, nuunermi siusinaartumik pensionisanik qaammatini 12-ni attassiinnarnissaq, ingerlaannartumik qaffasinnerpaanik siusinaartumik pensionisanik pisartagaqalersitsineq pineqarluni.

Tamannalu Atugarissaarnermut ataatsimiititaliap ulloq 12. februar 2020 ataatsimiinnerani ilisimatissutigineqarpoq. Tassanilu ataatsimiititaliap kissaatigivaa, ataatsimiinnermi tulliuttumi Kommunimut aningaasatigut qanoq sunniuteqassanersoq assersuusiorluni saqqummiussisoqarnissaanik. Tamanna tunngavigalugu assersuusiorluni suliarinnittoqarpoq.

Maleruagassatigut tunngavissat

Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq, Inatsisartut inatsisaatigut nr. 19, 28. november 2016-meersukkut, Inatsisartut inatsisaatigut nr. 40, 23. november 2017-meersukkut aamma Inatsisartut inatsisaatigut nr. 6, 27. november 2018-meersukkut allanngortinneqartumi, Siusinaartumik pensionisiat pillugit Inatsisartut inatsisaata allanngortinneqarneranik Inatsisartut inatsisaat nr. 28, 28. november 2019-meersoq.

Pissutsit atuuttut

Inatsisip allanngortinneqarnerani Danmark-imut Savalimmiunullu nuunermi assersuutigineqassapput, pineqartup Kommuneriligaani siusinaartumik pensionisiaqalernissamut suliap suliarinerani ingerlaannartumik qaammatini 12-ni tunniussuisoqarpat aningaasatigut Kommunimut kingunissai, siusinaartumik pensionisiaqarnermi ullumikkut qaammammut siusinaartumik pensionisiaqarnermi pisartagarineqartut immikkoortut pingasuusunut.

	Qaammamusiat	Ukiumut	Assersuutigalugu ukiumut inuit marluk nuuppata
Kisimiittooq qaffasinnerpaamik pisartaglik	9.083	108.996	217.992
Aappalik aappaa pensioneqanngitsooq	9.621	115.452	230.904
Aappalik aappaa isertitaqaartartoq	4.810	57.720	(57.720)
Katillugit: Qaammatini 12-ni tunniunneqartartussat			506.616

Assertutigineqartut siusinaartumik pensionisiallit Danmark-imut nuussimasut ukiuni kingullerni pingasuni ukiumut amerlassutsit missaaniimmata naatsorsuusiornermi assersuutitut toqqammavagineqarput. Tassanilu takuneqarsinnaavoq assersuutigalugu inuit tallimat immikkoortuni assigiinngitsuni inissisimasut naatsorsuutgingaanni qanoq aningaasartuuteqarnerusoqassanersoq.

Aammalu siusinaartumik pensionisiallit Danmarkimiit Savalimmiuniillu nunatsinnut nuukkaangamik Kalaallit Nunaanni Kommunimi nuuffigisaminni ingerlaannartumik qaffasinnerpaanik siusinaartumik pensionisanik pisartagaqalersinneqartassallutik.

Isumalluutinik naliliineq

Nunatsinni siusinaartumik pensionisiallit Danmarkimut Savalimmiunullu nuunnerminni, Kommunerilikkaminni siusinaartumik pensionisiaqalernissamut qinnuteqaatimik akuerineqarnissamik aammalu ikaarsaartinneqarnissamik tungaanut periarfissaqarnerulerlauartut, Kommune aningaasartuuteqarnerulernissaa takuneqarsinnaavoq. Illua`tungaani neriuutigineqassaaq nuunnerup kingorna siusinaartumik pensionisiaqalernissamik qinnuteqaatit Kommunimi nuuffigineqartumi piaarnerusumik naammassineqartarumaartut.

Allaffeqarfiup naliliinera

Atugarissaarnermut immikkoortortaqarfiup siusinaartumik pensionisialik Danmarkimi Savalimmiuni Kommuninut nuuppat, qaammatit siullit 12-it iluanni siusinaartumik pensionisiai ingerlatiinnarallartussanngorneri, nuuffigineqartumi siusinaartumik pensionisanik pisartagaqalernissaminik akuerineqarnissaata tungaanut, tamanna sivilsenerusumik siusinaartumik pensionisiaqartitsinermik kinguneqassasoq aammalu taamaattoqartillugu Kommunimut aningaasartuuteqarnerunermik sunniuteqassalluni.

Innersuussut

Atugarissaarnermut immikkoortortaqarfiup Atugarissaarnermut Ataatsimiititaliamut innersuutigaa

- siusinaartumik pensionisiat pillugit Inatsisartut inatsisaata allanngortinnejcarneranik Inatsisartut inatsisaat nr. 28, 28. november 2019-meersoq toqqammavigelugu, aningaasartuuteqarnerunissamut assersuutitut saqqummiunneqartut tusaatissatut tiguneqassasut.

Aalajangiineq

Tusatissatut tiguneqarpoq.

Ilanngussat

1. Siusinaartumik pensionisiat pillugit Inatsisartut inatsisaata allanngortinnejcarneranik Inatsisartut inatsisaat nr. 28, 28. november 2019-meersoq.

**Imm. 12 Paasissutissiissut match gruppe 3-mi inissisimasunik inuttut inerikkiartorermik taaneqartumik ingerlaartumik assigiinngitsutigut pikkorissaanissaq pillugu.
Maniitsoq.**

Journalnr.

Tunuliaqutaq

Qeqqata kommuniani Siumut / Inuit ataqatigiit / Parti Naleraq tunngaviusumik april-ip 18-ani 2017-imi isumaqatigiissutaat ima imaqartoq “ innuttaasut imminkut tatisut nappatitut pilersikkumallugit, pisortaniit ikorsiissutit appasinnerpaaffissaminiitinniarneqartuaannassapput, appasinnerpaaffissaminiinnissaat anguniarlugu sutigut tamatigut suliniutinik suliaqartoqartassalluni”. Taamaattumillu Maniitsumi Ilaqutariinnermut immikkoortortaq aammalu Majoriaq suleqatigiillutik, sulinermi misilittagaareersut qanoq pitsaanerusumik atorluarneqarsinnaanerannik nalilersueqatigiissimapput, siunissami sivisunerusumik suliffissaaleqisunut annertusisamik ataqatigiinnerusumik suliniarfisarnissaanut, aammalu ataavarnerusumik immikkoortortat marluk suleqatigiillutik ingerlanneqartartussamik aaqqissuussineq aallartinneqarpoq.

Maleruagassatigut tunngavissat.

Pisortanit ikorsiissutit pillugit Inatsisartut peqqussutaat nr. 15, 20. november 2006-imeersoq §§ 10imm.2 aammalu § 11

§ 10 Imm. 2. Siunnersuinermi inuup atugai ataatsimut isigalugit isummerfigineqassapput pilersuisinnaannginnermut tunngaviusoq kisiat isiginagu. Siunnersuineq saaffigisinnaasamut allamut attaveqalernissamut ikuinerusinnaasinnaavoq, soorlu suliffissarsiussisarfimmut, atornerluinermik katsorsaasarfimmut, peqqinnissaqarfimmut inissiaatileqatigiinnulluunniit. Siunnersuineq inunnut ataasiakkaanut ataatsimoortunulluunniit ingerlanneqarsinnaavoq.

§ 11. Pilersuinermut akiligassanullu aalajangersimasunut pisortanit ikorsiissutisartut imminut tunngasumik iliuusissatut pilersaarusiunneqarnissamut pisinnaatitaavoq communalbestyrelsi suleqatigalugu, takuujulli imm. 3.

Imm. 2. Iliuusissatut pilersaarusiqaq siunnersuisimanermik aallaaveqassaaq aammalu makku pillugit ilitsersuutinik imaqassalluni:

- 1) Atornerluinermik katsorsarneqarneq.
- 2) Inuttut inerikkiartorermik.
- 3) Pisinnaanngorsarneq.
- 4) Ilinniartitaaneq.
- 5) Sulilersitaaneq.
- 6) Suliffimmik attassisinnaaneq.
- 7) Piginnaanngorsaaqqinneaq
- 8) Ilinniarteqqinneaqarneq.

Pissutsit atuuttut

Ilisimaneqartutut Qeqqata kommuniani Maniitsumi suliffissarsiortutut nalunaarsorsimasuni match gruppe 2 aamma 3-mi inissisimasut ilaatigut arlaleriarlutik katsorsartittarsimagaluarput, taamaakkaluartoq atuisunngoqqinnissaminut qanittunnguusarlutik, malugisarpaalu annerusumik kisitsisitigut nikingarneq ajortut suliffissarsiortut nalunaarsoqqanerminni sivitsortumillu tassani inissisimasoqarluni.

Match gruppe 2 aamma 3-mi inissisimasut sullisisutut ilisimalikkagut uaniipput, inuttut killiffimminni katsorsartinnissamut piareersimasuunngitsut, allaallumi misigissutsinik oqaasinnguinissamulluunniit sungiussimasuunatik tikikkuminaatsuullutilu. Misilittakkat tunngavigalugit, ilaatigut tassani inissisimasut toqqaannartumillu aanngajaarniutinik atornerluisuunerannik katsorsartinnissaminnt innersuussigaluartarnerit annerusumik kinguneqarneq ajortut, katsorsartinnermi piumasaqaataasunut naammassinninnissaminnt malinnaasinnaaneq ajornertik pillugu utiinnartariaqartarsimapput. Kinguneranillu suli annerusumik inuttut sapersutut imminut inissitseqqituuinnartarlutik inissimanerminni pikkunartorsioreersut qaavatigut suli “ajorsarnermik” misigiteqqinneqartarlutik.

Sullisisutut sullitanik oqaloqatiginnermi tusartakkat, aammalu naammattoortakkat sullitaniit kingunerluutit oqariartuutigineqartartut:

- Meeraanermi ukiorpassuarni qaniganit kinguaassiutikkut atornerlugaasimaneq
- Imigassamik ikiaroornartumik annertuumik atornerluiffiusimi peroriartorsimaneq.
- Isumassorneqarnikkut timikkut tarnikkullu annertuumik sumiginnagaasimaneq.
- Avatangiisiniit tarnikkut persuttaagaaneq, oqaatsitigut nakkarsagaaneq sianiitsuusut, nalusuusut atorfissaqanngitsut, ilaatigut toquinnartariaqaraluarsimasutut kissaateqarfingeqarnerit il.il
- Persuttaaffiusuni imaluunniit namminneq persuttaagaalluni peroriartorsimaneq.

Ullumikkut sivisunerusumik suliffissaaleqilersimasut namminneq imigassamik ikiaroornartumik minnerusumik annertuumilluunniit atornerluiersimasut, ilaatigut kingunerlutsitsinermi tarnikkut qajannartunngorsimaneq, ersinerup annilaaganerulluunniit (*angst el. ængstelse*) kinguneranit inuit amerlasuut akornaniissinnaajunnaarsimasut.

Sullitat inuttut inissisimaffii eqqarsaatigalugit pilersaarusrorseqarpoq eqimattakkaarlugit ingerlanneqassasoq peqataasussaat annerpaamik inuit 15-20 - ussallutik. Pilersaarusrornermi sullitat inuunerminni nalaataannik assigiinngitsutigut katsorsartinnissaat aammalu pikkorissaanernik immersorneqassasut imminut tatignerulernermik aammalu imminut sumut killinnerminnik takunnissinnaalernissaat siunertaralugu. Ilanngullugu siunertaavoq suliffimmut kajussuseqalernissaannut akunneratigut sulillutik misiliinissaat, kingornalu ukiuni marlunni suliffimmi piginnaanngorsarneqassallutik.

Eqqumaffigineqartut ilagaat angajoqqaat neqeroorfigineqartut ilaat meeraasa angerlarsimaffiuup avataanut inissitaasimasut, taamaattumillu suleqatigii tamarmik attuumassuteqartuusut ataatsimut suleqatigiinnermik pilersitsissapput nukiiit pigineqartut kattunneqassammata, angerlartitsisinnaanermut suliniutinik ingerlasoqarnerani tapertatut atorneqarsinnaammatt.

**Atugarissaarnermut Ataatsimiititaliap marts-ip 11-ani 2020-imi ileqquusumik ataatsimiinnera
03/2020 - Imaqarniliaq**

Pilersaarusiaq piffissami 20.04-2020 - 23.10-2020

Pikkorissaasussaq	Imassaa	Aallartiffik	Uniffik	Kikkut sulissappat?
Lisa A. Schmidt	Tanke feltterapi / Misigissutsit Iluaatsut Iperaaneq /Tmittalu Oqariartuutai Ilisimalerlugit <ul style="list-style-type: none"> • Imminut ikiorsinnaanissaq • Imminut naalaarsinnaanissaq • Imminut akuerinissaq • Timitta qisuariaataanik paasinnissinnaalernissaq • Misigissutsit aallaaviannik ataqatigiissaarisinnaanngornissaq 	20.04.2020	24.04.2020	Inunniq ataasiakkaarineq, katsorsaasut ingerlatissavaat
Suliffimmi sungiusaaneq	Suliffimmik misiliilluni sulineq			
Fikka Josefsen	Ilisimasatigut, isummatigut inuuttullu piissutsitsigut perioriartorfimmuit kingornussat (Social arv)	27.04.2020	27.04.2020	
Fikka Josefsen	Sumiginnaraatsit sisamat	28.04.2020	28.04.2020	
Fikka Josefsen	Sammisaq nuannersoq	29.04.2020	29.04.2020	
Fikka Josefsen	Avatangiisink sunnerneqarneq	30.04.2020	30.04.2020	
Fikka Josefsen	Inuttut naleqassuseq	01.05.2020	01.05.2020	
Suliffimmi sungiusaaneq	Suliffimmik misiliinerup nanginnaera	04.05.2020	15.05.2020	
Psykoterapeut Elisabeth P. Wille	Inuttut inerikkiartorneq	18.05.2020	22.05.2020	
Suliffimmi sungiusaaneq	Suliffimmik misiliinerup nanginnaera	25.05.2020	12.06.2020	
Psykoterapeut Elisabeth P. Wille	Ilaqutariittut katsorsaaneq Familie behandling	15.06.2020	19.06.2020	
Suliffimmi sungiusaaneq	Suliffimmik misiliinerup nanginnaera	22.06.2020	10.07.2020	
Katsorsaavik Nuuk	Atornerluisuunermut katsorsaaneq	13.07.2020	11.09.2020	
Suliffimmi sungiusaaneq	Suliffimmik misiliinerup nanginnaera	14.09.2020	02.10.2020	
Majoriaq	Sulilernissamut piareersaataasinnaasut	05.10.2020	23.10.2020	Ane L. Lyberth

**Atugarissaarnermut Ataatsimiititaliap marts-ip 11-ani 2020-imi ileqquusumik ataatsimiinnera
03/2020 - Imaqarniliaq**

Pikkorissaasussaq	Imassaa	Aningaasartuutit	Aningaasartuutit katillugit
Lisa A. Schmitdt	Tanke feltterapi / Misigissutsit Iluaatsut Iperaaneq /Timittalu Oqariartuutai Ilisimalerlugit <ul style="list-style-type: none"> • Imminut ikiorsinnaanissaq • Imminut naalaarsinnaanissaq • Imminut akuerinissaq • Timitta qisuarialtaanik paasinnissinnaalernissaq • Misigissutsit aallaaviamnik ataqatigiissaarisinnaangornissaq 	Katsorsaasut marluk ulluni 3-ni sullitaq 2-nik piffissalerlugu Dagspris kr. 8.000,00 Pr. Terapeut	48.000,00
Suliffimmi sungiusaaneq	Suliffimmik misiliilluni sulineq		
Fikka Josefsen	Ilisimasatigut, isummatigut inuuttullu pissutsitsigut perioriartorfimmuit kingornussat (Social arv)	5.000,00 inummut ataatsimut	75.000,00
Fikka Josefsen	Sumiginnaariaatsit sisamat		
Fikka Josefsen	Sammisaq nuannersoq		
Fikka Josefsen	Avatangiisink sunnerneqarneq		
Fikka Josefsen	Inuttut naleqassuseq		
Suliffimmi sungiusaaneq	Suliffimmik misiliinerup nanginnera		
Psykoterapeut Elisabeth P. Wille	Inuttut inerikkiartorneq	45.000,00 pr. Uge	90.000,00
Suliffimmi sungiusaaneq	Suliffimmik misiliinerup nanginnera		
Psykoterapeut Elisabeth P. Wille	Ilaqtariittut katsorsaaneq Familie behandling		
Suliffimmi sungiusaaneq	Suliffimmik misiliinerup nanginnera		
Katsorsaavik Nuuk	Atornerluisuunermut katsorsaaneq		
Majoriaq	Sulilernissamut piareersataasinnaasut		
	Katillugit		213.000

Aningaasaqarnikkut allaffissornikkullu kingunerisinnaasai

Atuiffik	Taagutaa	Budget	Sinneruttut	Atukkat %-lungit
49-04-22-42-00	Takstbetaling for alkoholdbehandling	1.433	1.433	0

(Konto taanna atorallarneqarpoq, kingusinnerusukkut nutaamut nuunneqassalluni)

Allaffeqarfip / immikkoortortamilu aqutsisup naliliinera

Sullitatsinni takuneqarsinnaasarloq imminut naleqartinnginneq, sapersutut isigineq assut initusartoq, siunertaarussimaneq anguniagaarussimaneq ulluinnarni inuunermi pingoartitaarussimaneq naleqartitaarussimaneq, taamaattumillu pikkorissaanissat toqqaannartumik katsorsaanertut ittuunngitsut pisariaqartinneqartut maluginiarneqarnikuupput, taakuuppullu imminut pilorsorsinnaaleqqinnissaminut aqqtissat siulliit ilagisariaqagaat, imminut naleqartittutut

inisseqqinnissaat, minnerunngitsumillu killiffimminnik takunnisilersinnaanissaat pisariaqarmat taamaattumik innersuunnarpooq akuersissutigineqarnissaanik.

Innersuussut

Atugarissaarnermut Immikkoortortaqarfik Maniitsoq Atugarissaarnermut Ataatsimiititaliap siulittaasuanut innersuussutigivaa akuereqquullugu

- Matchgruppe 2 aamma 3-mi inissisimasunik inuttut inerikkiartorermik taaneqartumik ingerlaartumik assigiinngitsutigut pikkorissaanissaq piffissami 20.04.2020 – 23.10.2020 tungaanut.
- Aningaasartutissat katillugit kr. 213.000,- atuiffik 49-04-22-42-00-imuit matussuserneqassasut

Siulittaasup aalajangiinera

Innersuussut ulloq 02.03.2020 ataatsimiititaliap siulittaasuanit akuersissutigineqarpoq.

Atugarissaarnermut Ataatsimiititaliap suliareqqiinera

Innersuussut

Siulittaasup ulloq 02.03.2020 akuersissutaa tusaatissatut tiguneqassasoq.

Aalajangiineq

Tusatissatut tiguneqarpoq.

Ilanngussat

1. Peqataasussat nalunaarsorsimaffia

Imm. 13 Tamalaat

Anna Karen Hoffmann apeqquteqaateqarpoq ataatsimiititaliami ilaasortat ataatsimiinnernut pikkorissarnernullu ilaasortatut peqataareeraagamik qanoq ilaasortaqtiminntu avitseqatigiinneq ingerlariaaseqarnersoq.

Aaqqissuusanut allanut ilaasortanik peqataasoqartillugu ilaasortat imaqarniliamik imminnut nassinneqartarnissaat kaammattuitigineqarpoq. Aqqissuussanut assigiinngitsunut peqataasussaagaanni ilaasortanut peqataasussanut ilaasortat imminnut tusarniaaffigisarnissaat kaammattuitigineqarpoq.

Erik Jensen siulittaasup nalunaarutaa naannerusinnaanera kaammattuitigaa.

Utoqqaat nunanut allanut angalanissaat covid 19 peqqutaalluni unitsinneqarpoq. Utoqqaat angalanissannut aningaasaliissutit Kalaallit Nunaata iluani angalanernut atorneqarsinnaapput aamma periarfissassappat angalaneq kingusinnerusukkut pisinnaavoq.